



392901  
392926

ST. O.





2527 III. 5. 17



Ex-Libris  
PODHORCE

ADCT. GRP



392901

392926


Mag. St. Dr. III

1041











CORONA  
UNIONIBUS ANIMORUM  
&  
NOMINUM

Illustrissimi Excellentissimi Domini

D. J O S E P H I

*à P O T O C K*

P O T O C K I

Capitanei Szczerzecensis &c.

nec non

*ILLUSTRISSIMÆ*

P E L A G I Æ

P O T O C K A

Illustrissimi Capitanei Graboveensis

*Ex Bibliotheca*

Lectissimæ Filiae

*P. Caput. Anty*

Ad universorum æstimationem

*Alapcone*

A U C T A

*Atq; utriusq; Consortis Illustrissimi Hymenæo*

I M P O S I T A

Ab obligatissimo Magnis Nominibus Collegio Leopoliensi Soc: JESU

Anno Regis Regum 1736.

LEOPOLI. Typis Collegii Societatis JESU





Nominis est magni concordia, Stemmatis æquè,  
 Omen, CRUX Sponsis multiplicata dabit:  
 Convenère pāres animæ ad connubia postquam,  
 Nulla magis concors, hac erit orbe DOMUS.

2.

Juncta sibi radiant, victricia signa PILAVÆ,  
 Magnorum spoliis, Stemmata fulta Ducum.  
 Utraq; CRUX victrix Sponso præfagit utriq;  
 Quòd certans, palmam victor uterq; feret.

392904

III

1811  
 1727odhorce 568



# ILLUSTRISSIMI NEOSPONSI



*Retroso Nominis POTOCCLIANI Alto, guttam;  
Pilavianæ Arbori breve folium; Festivæ IL-  
LUSTRISSIMI Connubii Luci umbram; Mi-  
nimum eloquentiæ punctum Festivis Honori  
UESTRO Plausibus adjicimus ILLUSTRISSIMI NE-  
OSPONSI. Contendunt nimirum pro Oceano minora e-  
tiam flumina, eiq; certatim allabuntur, ut assurgant: &  
leves frondium comæ in Cedrorum immortalium verti-  
cem enituntur, ut ab illis emineant: solem quoq; comita-  
tur umbra, quò ad tanti sideris mensuram crescat. Hu-  
milis pariter svada VESTRÆ Fastigium Gloriæ ambi-  
re debuit, si attolli voluerat. Nusquam pulchrius texun-  
tur laudes, quàm cum non per tumidos calami stratae di-  
ctionis incedunt cothurnos, sed omni vocum abjecto fucò  
rerum ipsa gravitate illustres depromuntur: nec ad i-  
nanem verborum pompam, sed ad veritatis Majestatem  
compositæ, ipsa personant Magna Nomina: seu vocalia e-  
orum rectefacta. Istud præstantissimum Orationis decus  
à Vestrâ dignitate, etiam hæc nostra dicendi facultas  
sibi vendicat: quæ ubi, in hoc angusto laudum compen-  
dio fastuosius procedere spectabitur, Vestræ studiosam  
magni-*



magnitudinis; ubi minus compta & inculta videbitur;  
pro sincera laborantem veritate decernetis. Puduit nem-  
pe superficialem vocum copiam adsciscere, cum Avita  
Geminati PILAVÆ ARBOR tantam rerum Sylvam  
pro solido contulit Elogio. Puduit stylum huc inducere  
personatum, ubi pulcherrimam encomiorum faciem in-  
struit splendidissimus POTOCCIANUS Honor. Tam  
verò præciara, tamq; multa de VOBIS dicenda occurre-  
bant, ut amplissimum eloquentiæ studium exhaurire  
crederentur: omninoq; inops esset oratio, nisi à VOBIS i-  
psis totum sibi pretium quæsvisset. Quare humiles istos  
laudis VESTRÆ spectaturi apices, non dictionis for-  
mam, non verborum apparatus, sed VESIRARUM  
compositionem virtutum meritorum, Gloriæ decorem ob-  
servate; demum vos ipsos cogitate, qui pulcherrimum  
aliter alteri, maximum uterq; vobis mutuò estis præco-  
nium Prosequetur semper, etiam postquam hoc detu-  
lerit, idem laudum VESIRARUM studium.

ILLUSTRISSIMO Nomini

Devotissimum

Collegium Leopoliense Societatis JESU.





Estis istud debetis pari dignitate  
certantibus **ILLUSTRISSIMI**  
**NEOSPONSI** Votis, quia mutuo  
cordium nexu adstricti, ad fortu-  
natissimum Connubii Fædus pro-  
cessistis: **VESTRO** debet **ILLU-**  
**STRISSIMO HYMENÆO** pu-

blica singulorum existimatio, communis omnium  
sensus, quia **CELSISSIMUM PILAVITARUM**  
**NOMEN** ad immortalis Gloriæ Fastigium, ad pe-  
rennaturæ celebritatem Famæ, ad posteris relin-  
quendum **POTOCCIANÆ FAMILIÆ** ornamen-  
tum, ad publicæ confirmationem tranquillitatis, ita  
feliciter provehi intellexerunt Universi. Quantam  
enim nuptialibus Tædis toti Lechiæ accendi lu-  
cem? Quantos hac ipsa Festa luce, concordēs plau-  
sus, Inclytæ **DOMUS** solatia, Cognatorum **NOMI-**  
**NUM** tripudiantes assensus, cæterorum admirati-  
onem excitari videmus? Ubi innatus Patritiæ For-  
tunæ splendor, in summæ Felicitatis refulsit meridi-  
em. Habet hoc præclara virtus, & quæ vera est,  
Gloria, ut nunquam ornatiùs, quàm per se ipsam  
A crescat,



crescat, se ipsa augeatur. Et maria, in immensi altum tolluntur Oceani; cum eodem recipiunt sinu Flumina, quo ea in terras olim profuderunt. Quam pulchrum istud! Magnum Nomen eodem cumulari vocabulo: ac si suorum partum viscerum gemmam Gangeti, seu nativum Pactolo affundas obryzum. IVISTIS magno passu ad socialem Pompam ILLUSTRISSIMI CAPITANEI, Aviti NOMINIS Pari Majestate graves, pretiosis dotibus, ac unione Animorum locupletes: & unanime cunctorum iudicium còégistis; ut vix non ad fabulosæ vetustatis commenta respicerent, quo sibi dignitatis vestræ par culmen, & pretium eodem cognomento dives ad veritatem effingere potuissent. Ita nempe, quæ excelsa, & summa censentur, quoties mentis ambitu comprehendere non licuit, magnitudinem eorum, plerumq; comminiscaris quodammodo, necessum est: ut ad summitatis verticem accedas. At verò, genuina sinceræ laudis parens veritas est; tantumq; illa vanos fictionum calamistros odit, quanto plùs sibi ipsi constans umbram mendacii refugit, ut rectitudinis innatæ lucem assequatur. Permittes igitur ILLUSTRISSIME CAPITANEE vel in ipso capite emendare dictionem, quam citra adscititios commentorum fucos tuâ, æquè ac ILLUSTRISSIMÆ CONSORTIS (nec enim licet distingvere, quos sibi tergemino decore eadem PILAVITARUM CRUX affixit) implèsti magnitudine, ut quod initium, quem sibi finem ponere debeat, arduum statuendo videatur. Quæ enim, & quanta illa sunt! quæ de TE non tam prædicari,

quam



quàm vel nominari deberent. Si in TE solum,  
totum verteretur præconium, occurrerent illico  
pleno agmine, quæ TUORUM Gloriæ MAJO-  
RUM non degener Hæres posteris reliquisti  
tot præclara merita, tot virtutum Facinora, tanta  
Probitatis ac profusi in Superos animi monumen-  
ta: ut illis integra possint impleri sæcula.  
Verùm itane ad solum TE respicere liceat?  
ut cum magni TUI Nominis vel meminimus, in-  
tegro veluti non affluant Orationi Pelago, quæ ul-  
tra Regni quoq; nostri effundunt sese littora, CEL-  
SISSIMÆ PROSAPIÆ TUÆ Fama, Dignitas,  
Honor, Fastigium. Nusquam scilicet fidus quod-  
piam maximum cogitare obtigit, nisi statim vastis-  
simi integram Cæli machinam concipias. Ast hæc  
omnia amplissimam quantumvis dicendi faculta-  
tem non tam augent, quàm obruunt. Rerum sa-  
nè ordo semper difficilis inter æquè summa. Quem-  
cunq; tamen modum angustæ laudis breve seque-  
tur folium, TE suam ita exambiet Panegyris Co-  
ronam; ut ceu locupletissimos adamantum fulgores  
in ornamentum vendicare enitatur Avita PILAVI-  
TARUM Clenodia.

Pulchrum istud & ingens est: seu præclarum  
Nomen virtutibus illustrare, seu Magno Nomine  
ipsam augere virtutem: cum idem veluti censea-  
tur; Solem fulgentissimis circumfundi radiis & Na-  
talibus ILLUSTRISSIMIS innatum quodammodò  
virtutum jubar accrescere, ut eodem passu, Honor,  
& Probitas, Integritatis candor & Trabeatus Mu-  
rex incedant; eodemq; vocabulo virtus, & altiores



Tituli intelligantur. Fumum jactant, & lucem fatuam nonnisi præferunt, qui fumosas duntaxat Antenatorum imagines, Majorumq; Ceras totum suæ Gloriæ splendorem volunt, parum solliciti de eo, quod solidæ laudis pretium est. Quid enim illa Augusta quidem, sed & horrida Domitiani, Neronis, Caligulæ Nomina! Non tam Serenissima Imperatorum Majestate, ut obscura vitiorum caligine illustria! Per tot ætates prædicantur, nominantur per secula, sed suo ipsorum dedecore tantum celebres, tristem implevêre famam. At verò Mutios, Fabios, Africanos, nusquam ita recolere seu in memoriam repetere licuit; ut non simul laudatissima illorum rectefacta in mentem recurrant, & quendam tripudiantis animi provocent assensum. Squallida nativum Coralii muricem pallore fædant illi, quibus excludi à Purpuris verecundiam placuit. Publicum Gloriæ diem, rerum ordinem tumultuariè transvertendo tetra commutant nocte: apud quos publicum Titulorum Solem, errantium fæda morum nubes veluti sepelit, & tantum non extinguit, cum tamen ad Fortunæ serenitatem accedat magis, quæ mensura illius est, comes umbra modestiæ, & prona in terras, juxta ac Superos pietas. Nam & Trabeis decus maximum, & fascibus pulcherrimam Majestatem, & Majestatibus amplissimum ornamentum, ipsiq; adeò Coronis summum culmen defert virtus. Quantum verò illud est, si Altis quoq; par magnitudine respondeat cunis; æquali gradu sublimioribus Titulis! eadem sublimitate excellis Nominibus! Qui sepem, aut

*Plutarchus*

agge-



aggerem construunt, quævis congerunt; at qui Regiam ædificat, nihil temerè componit. Et Magnorum virtutes, nihil, quod humile sit, admittunt; ut quantum illos superior à vulgo discrevit sive extulit Fortuna, tantum etiam integritate sua emineant. Si Diis quàm hominibus formandis melior Phidias prodigiosos ingenii sui labores ex eo maximè posteris celebrandos reliquit, quod *Quintili-* non rudi saxo, at pretiosiori metallo, ac ebori pulcherrimè Numina impresserit; Superis quoq; nata probitas tunc se cœlo commendat plurimum, cum in aureis Principum efformatur pectoribus: ut tantundem fulgentissimi ab illa Trabeatus Honor nitoreis hauriat, quantum ab eodem lucis ipsa traxerit: unumq; fortunatissimum accendant meridiem Virtus & Fortuna.

Et jam facilè intelligis ILLUSTRISIME CAPITANEE, quas meretur laudes probitas, quâ TE ipsum auxisti; quanta TUIS debentur præconia virtutibus, quibus magnum implevisti Nomen. Addidisti videlicet pretium pretio, maximis opibus ingentes Thesauros, Phæbo nativum jubar, CELSISSIMÆ POTOCCIORUM FAMILIÆ TUÆ Integritatis nitorem, qui tot veluti radios, virtutum lumina in TE unum collegisti. Atq; uti summè arduum est, solertissimo quoq; obtutu confertæ lucis scintillantes ut ad numerum observentur flammæ; ita latissimæ Orationis id vires superat, ut longissimam, quam ex Te laudis materiem offers, suo complectatur ambitu. Quid enim, aureæ illæ animi TUI opes! Quid ille virtutum



integer planè exercitus? præstantissimi quantumvis  
aciem ingenii acuit, sed & obruit: ut ipsa rerum  
multitudo disfluentem impediatur svadæ cursum, non  
secus; ac gemmei Hydaspis fluctus magno dela-  
bentem impetu intercipiunt, & quodammodo re-  
tardant. Nunquid scilicet TUAM ita videre li-  
ceat modestiam? ut non statim prona in omnes  
occurrat Demissio, Mansuetudo, candor animi,  
Humanitas, munificentia. Quid ille pietatis TUÆ  
splendor? quid abstinentiæ, moderationisq! ac æ-  
quitatis pondus? & hæc omnia TE digna TUÆ  
Dignitati paria; ut nulla non Princeps sit, quæ à  
TUO pectore regnet Probitas. Primam tamen  
encomiorum frontem instruere videtur, quæ dia-  
dematum quoq; summum decus est, animi Inte-  
gritas; & veluti in Regale sese evolvit Folium cui  
reliqua adscribantur. Ita nimirum Purpureum Se-  
natorii muricem sanguinis à cunis traxisti; ut simul  
gemmeam Probitatis Cerussam tota mente hausis-  
se credaris? quasi, ut Fasciæ Trabeatæ Fasces TI-  
BI obligârunt, ita pulcherrimus candor animo cum  
lacte influxisset. Parvum tamen, & infra TE arbi-  
tratus es, bonum tantum nasci, nisi TE per ætates  
& annos meliorem probâsses. ILLUSTRISSIMO  
proinde NATALIUM exortui plenum innocen-  
tiæ meridiem adjecisti, & quem aliis nec vidisse, a-  
liis turpi vitiorum caligine extinctum lugere obti-  
git, eum TU perennaturo TIBI jubare accendisti  
Probitatis diem. Locuples est, qui inter abditas  
Conchæ latet cunas unio, sed sibi tantum  
dives; quia illud adhuc non adeptus pretium, quod



à sincera hominum opinione nascitur, cum hæc  
ad lucem publicam justam rerum æstimationem  
decernat. Ad omnium admirationem effulget  
tunc, dū in supremis etiam Regnorum Capitibus pul-  
cherrimum attollit verticem, & pro facie corona-  
rum eminet. Non aliud & pro TUA nobis con-  
cipienda integritate argumentum obtigit ILLU-  
STRISSE CAPITANEE, quam enim in abditis  
pectoris TUI condideras recessibus, ad solem vel  
invitus demonstrasti. Quis nempe ex TUIS in  
Patriæ obsequium præclarè gestis? Quis ex tanta  
morum comitate? Quis ex illa gravi quidem, sed  
civilissima agendi ratione? Quis ex TUO ipsius  
vultu ad majestatem composito, dignitate oris, æ-  
tatisq; inflexa maturitate integerrimum probita-  
tis non intelligat pretium? Ille TUO resedisse can-  
dor in animo censetur, quem innocua JOSEPHI  
plantarunt lilia, albi ad opimam gloriæ messem  
auxerunt Manipuli. Viceregii ad Supremos effor-  
maverunt Candidatum Fasces. Ita videlicet ad  
summum Probitatis Fastigium crevisti JOSEPHUS:  
ut huc jam altiores quoq; sese inclinent Tituli, pro-  
ni accedant Fasces & sublimior infra Te repere vi-  
deatur Honor. Magnum istud laudis TUÆ in-  
crementum; quod sic crescere nolueris: quo nimi-  
rum demonstrasses, non à cæco Fortunæ impetu,  
sed à TUO ipsius pendere arbitrio, TE posse in  
communem cæteris augem felicitatis attolli, quo-  
ties volueris. Utinam tamen voluisses: quanta e-  
nim ex TE Senatui Lechico accessisset Majestas,  
quantum pondus in consulendo rebus Patriæ!



quantum ad Civium tranquillitatem, ad incolumi-  
tatem universorum instaurandam subsidium; TU  
ipse, TU solus Sarmatiæ Columen, TU in dubiis  
negotiorum difficultatibus, in tempestuosis Regni  
vicissitudinibus securissima fuisses cynosura. Sed  
quid ego tanquam mei obliviosus muneris, partes  
illorum suscipio, quos jam olim TUA vicit mode-  
stia, ipsa vinci, seu expugnari nescia.

*Præclara  
Ill: Capi-  
tanei  
moderatio  
in excusa-  
dis hono-  
ribus.*

Totum tamen id ad TUAM ILLUSTRIS-  
SIME CAPITANEE virtutem referendum est, ex qua  
vel illud laudis culmen adeptus es, quia talem TE  
reperit hæc, non tam Panegyris, quam breve Di-  
gnitatis TUÆ compendiū. Nam etiam hoc ipsum  
ad TUAM componi moderationem debuerat; qui  
postquam majora laudando contemptu præter-  
gressus es, minora non aspernaris. Duo nihilomi-  
nus hic præstanda occurrunt: alterum, ut ceu in-  
genti rei novitate capti, TUAM demiremur mo-  
destiam (quanquam nec admirari satis licet tantæ  
sublimitatem demissionis) alterum, ut TUÆ quas-  
dam moderationi referamus gratias: quia illa sola  
est, quæ nos, quantus esses, edocuit. Quam ma-  
gnus istud est, honores non quærere! Quantum  
id oblatos deprecari! quàm summum! ultro occur-  
santes, imò verò insequentes fugere, aspernari.  
Minus tamen ego virtuosum crederem, si hoc illi  
obtigisset, qui proprio suo conatu, nec trito adhuc  
a Majoribus calle, ab obscuro seu meritorum, seu  
natalium suorum lare ad fortunatum eluctari debe-  
ret Fastigium, & cespitaret. Verum TU, cui tot  
Castellanæ ANTENATORUM Curules, tot Pala-

tinæ



tinæ MAJORUM Trabeæ, tot Domestici, innatiq; planè murices Purpureum ad summa quæq; straverunt iter: cùm nova Titulorum accessione ornari renuis, omnium seu expectationem seu admirationem superâsti. Dedignaris enim illuc ascendere (si tantùm ascenderes cui nihil sublime parq; altitudini meritorũ obvenire potest) quo TIBI veluti quosdam, eosq; securissimos formârunt gradus Familiares Ducum clavæ, communia POTOCCIIIS Dignitatum subsellia, majores Senatorum Fasces, ut novum TIBI ad honorem iter parare videaris, omnem fugiendo. Excusâsti, quam olim, quam nuper etiam, SERENISSIMUS AUGUSTUS II Palatinam TIBI deferebat curulem, TUISMET ad id præclarè gestis coactus, impulsus virtutibus; ut illis pridem jam debitum præmium, his veluti Coronam imposuisset Regalem. Deprecatus es: & pulcherrimum ex Latio in nostram Poloniam transtulisti spectaculum, cui olim Roma applauserat; cum Quintios, Papirios, Trajanum deniq; fastuosum consulatũs deponere munus videret. Atq; hinc jam ultra moderationis TUÆ orbitam processisti: cum nihil non TUUM, nihil, ut ita dicam non commune accepisses, quod TIBI offerebatur. Quid enim familiare magis Vobis omnibus, quàm vestro Senatum implere Nomine: ut idem jam censeatur, POTOCCIUM & PATREM PATRIÆ esse. TIBI verò, ille ipse, quem renuisti, Honor relictus est; imo ad majorem, quem cæteris assequi non licuit, ascendisti. Solidi nempe honoris culmen, pariter ac sinceræ apex Gloriæ;

C

ut



ut ipse ajebas, non in fastuosa Titulorum pompa  
situs est. Virtutes & merita Fasces colligunt, nec  
fæda ac turpis ambitio, sed optimæ commenda-  
tio Famæ Principatum tenet. Quid etenim; TE-  
cum ipse reputans dicebas: quid me vana Dignita-  
tum agitat cupiditas? Ecquid miserrimo similior  
Tantalo inanes laudum auras captabo? Indeco-  
rum est arrogante duntaxat fastu supra cæteros ex-  
tollî; atq; illo tantum, quem fortuna obtruserit,  
gradu' è vulgo prominere. Laudabilius est: ut  
verum honorem, non in splendore Titulorum, sed  
in virtute ceu innata reponam; magnisq; omnibus  
me parem faciam, etiam dum recusabo. Nihil a-  
gere, nihil conari, nisi semper mereri; nec mereri  
ut præmium feras, sed ut illo TE dignum præstes,  
istud gloriosum est. Plures utinam TIBI similes  
Patriæ nostra sæcula dedissent; cum enim TU pa-  
rem TE maximis per Virtutes facere adnite-  
ris, magis optandum est, ut plures TIBI pares cen-  
seamus. Inquiebas deinde: ME juvat veriùs Purpu-  
rei altum sanguinis, quod à MAJORIBUS, à PRO-  
GENITORIBUS meis hauseram, sublimioribus e-  
vehere virtutibus, & velut gemmis coronare. Me-  
um erit citra ambitiosum Titulorum questum, illas  
quæ se pro Fasciis explicârunt Purpuræ, Tyrio  
meliùs intaminatæ ut induam verecundiæ Mu-  
rice & Trabeatas Majorum secures mea probitate  
muniam securiùs. Ad Fasces, plenos virtutum ma-  
nipulos colligam, & extra Titulorum ambitum,  
integerrimum quæram honorem, tam mihi priva-  
tus, quàm publico DOMUS MEÆ futurus decori.

O



O sanctiorem Fastum! Eo TUA ad Dignitatum  
culmina tarditate processisti, quo nec Pompeiis per  
tot Trophæorum campos, nec Trajanis per Supre-  
ma Cæsarum fastigia eluctari concessum est. Mul-  
to plus jam quod TIBI seu anteaetæ seu secuturæ  
invideant ætates: cum novum TIBI ad solidæ pos-  
sessionem gloriæ, atq; illis etiam, iter aperuisti; id  
est per virtutum compendia: jamq; faciliùs quàm  
per Alpes Annibal eluctatus, verticem illius petes.

Et quantumvis ad TUAM adeo excelsam pro-  
cumbat oratio demissionem, magna tamen virtute  
erigitur. Ergo adhuc pro artis licentia, pro Jure:<sup>Tribunali-  
tium ex-  
cusat sub-  
sellium.</sup> TUA ILLUSTRISSE CAPITANEÆ gratia, sublimem, tam laceßere, quàm ultra  
prosequi audemus modestiam. Permittes nimi-  
rum: ut qui pro TUA Oratorem gloria, idem &  
pro Polona Themide apud TE Patronum agat.  
Queritur, & quanto, Superi boni! dolore queri-  
tur! de TUA moderatione, Lechicæ Numen ju-  
stitiæ, maximam arbitratum injuriam, detrimentum  
ingens seu æqualitatis seu majestatis suæ deplorat:  
quia toties communibus votis expetitus, omnium  
suffragiò vocatus, renuisti, Poloni deprecatus sub-  
sellia Areopagi. Et grande crimen esset, nisi su-  
prema illa pro TUO jure peroraret moderatio,  
quæ TE pridem à forensibus litigiorum tumulti-  
bus, à molesto Tribunalium strepitu excusaverat.  
Id tamen vel TUA negare Demissio non potest,  
quod maximum toti Regno TUI reliqueris ad su-  
blimiora desiderium munia, ut carus, ita desideran-  
dus omnibus, vel hoc ipso, quod sollicitè prospe-  
xeris, ne desiderareris.



Istud tam sublime moderationis TUÆ arbitrium stylus noster in hoc etiam secutus, ut TUA erga Patriam merita usq; huc retulerit; quæ eo majora sunt, quod apud TE habentur quasi exigua. Quantum est! ratione, sententiâ, consiliò, fulcire Patriam! optimi robore judicii integritatem Civium, tranquillitatem sustinere publicam. Felicius, crede, semper maturæ deliberationis pondere collabentibus Regnorum Fortunis subveniri, quàm tumultuoso rerum ordine, seu non expenso ad lancè rationum conatu, & solitudine. Fortiusq; sæpe numero hostis valido reprimatur consiliò, quàm instructissimis quantumlibet armis. Docuerunt id

*Plutarch:* posteros suo Lacædemonii periculò: quibus idemerat sui deliberatas leges, & decreta Lycurgi sancta habere, ac hostem sternere, & triumphare: Idem viceversa Agesilao statuta abjecisse consilia, quod turpi clade lectissimas perdere copias, lethaliq; ipsum notatum plaga sædè succumbere. Sol-

*Ill: Capitaneus legationis munere ad Comitia Regni gloriosè perfungitur.* vitti hìc jam ILLUSTRIS Sarmatiæ CONSUL, ut debueras, TUÆ modestiæ frænos, imo hac ipsa impellente ad ferendum Patriæ obsequium, TE proripuisti. Neq; enim veræ humilitatis est, ut rectè æstimâsti, quodvis Patriæ in gratiam excusare munus. Suscipienda sunt æquo animò, strenuòq; illa, quæcunq; citra integritatis discrimen si ve in Cives, si ve in Regnum præstari queunt merita. Superbè non minùs quàm ludicrè cunctatoris Fabii Nomen sibi arrogant; quos levi palliata Virtute segnitie ita sibi adstrinxit; ut illos vel pedem ad succurrendum rebus Civium, bono publico,



blico, movere pigeat. Abiisti proinde iudicio  
gravis, ratione maturus, consilio integerrimus, sa-  
pientiâ instructissimus, alter in teneriore adhuc æ-  
tate Polonus Cato: Ivisi inquam legati munere insi-  
gnitus ad solemnem illum Regni totius congres-  
sum, non appetitu laudis, non turpi fastu, non ina-  
nis occupandæ gratiâ famæ; sed amore Patriæ,  
sed communi omnium ductus utilitate. Videre  
jam erat in illa Orbis Sarmatici facie, TE primâ consi-  
liorum frontem instruere: cùm omnium aures o-  
culosq; tum animos quoq; in TUAM vocares sen-  
tentiam, & omnes ab ore TUO pendere crede-  
rentur. Licuisset TUA illa dicta, rationes audire,  
quas ipsa, quæ aderat, Patria læto probavit assen-  
su, gratiosissimo laudavit annutu, in has similesq; pro-  
rumpens voces: Tales mihi plures utinam hæc æ-  
tas ferret Lycurgos: tales venturis secula darent æ-  
tatibus Solones, tales Aristidas; semper ego secura  
mei, semper de Civium incolumitate certissima  
perennarem. Audita mox ab illa Urbe Regia, Re-  
gni Poloni Capite, magna de TE Fama, omnes ce-  
lerrima percurrit Provincias, Russiam quoq; totam  
atq; in hac ipsa personuit Metropoli, quæ TUIS  
haud semel theatrum quoddam ex se præbuit vir-  
tutibus. Et statim assenserunt alii votivâ acclama-  
tione, alii desiderio, TUI sæpius videndi, audien-  
di. Gratulata sibi quoq; Roxolana Urbis hujus  
Pallas, TUÆq; prudentiam modestiæ assentiente  
laudavit tripudio: quod & TUAS olim præclaras  
illi dotes, TUUM Ingenium, TUAS dederis Vir-  
tutes; & ab illa totum id acceperis, quod ad pu-

D

blicum



blicum solem Poloniæ depromere laudabiliter potuisses. Ominata deinde TE incorruptissimum Sarmatiæ Consulem, tum mox PATREM PATRIÆ Trabeatum fore. Et oraculum ad mentem omnium fuit; nisi TUA in altero expectationem universorum tefellisset demissio. Alterum tamen vel invitus vicibûs iteratis suscipere debueras. Dotissimum enim mentis TUÆ pondus suis rebus experta semel, publica negotiorum consulta, minùs facere poterant, quin repetitis votis, ad suffragandum oneri maximo probatum jam TE Alcідam iterum adscivissent.

*Pietas in  
DEUM  
Ill: Capi-  
tanei.*

Pergit tandem oratio licet tardiùs [lentè enim & per gradus ascenduntur summa, & tanto magis cunctanter ferimur in ipsum Numen) pergit inquam, seu prolabitur, ad TUÆ adorationem pietatis in Superos, quam Principem ipse integerri-  
mo colis in pectore. Ita priùs TUARUM Virtutum apices percurrere oportuit, per quos ad culmen hoc pervenisti. Et ingens Culmen est: non enim illo supra ignobile duntaxat vulgus attolleris; verùm primos quoq; seu æquare, seu etiam superare, summo laboras TUÆ in DEUM Benevolentiae studiò. Satis quidem esset, TUUM, seu dum precaris supremum Numen, seu dicatas illi ædes frequentissimus ingrederis, vultum contemplari; legeretur sanè ab illo uberrimè, quem TUO domesticum adscripsisti animo, ferventissimus cælitum amor, Reverentia, Demissio, ut nihil non Astris dignum observari possit, quod TUO ab ore, gestu, oculis, pro Superùm honore depromitur.

Prin-



Princeps istud Virtutis decus habetur & encomi-  
um, quâ in primo ortu suo, luce resplenduit, eâdem  
ipsâ in augem crescit. Diem illa semper agit ter-  
rissimum, errantia odit sidera, & mobiles inconstan-  
tis lunæ nitores fugit, mutari nescia. Quàm pul-  
chrum istud est videre TE nunc etiam, tanta vultus,  
corporisq; totius compositione supplicem Numini  
maximo advolvi; ut non annorum spatiô, non di-  
gnitatis gravitate, non virium respectu ab eo Reli-  
gionis studio avoceris, quo tenera adhuc ætas pi-  
entissimum jam instruxit animum. Foves nimirû  
solicite illustriorem hanc Vestali, pietatis flammam  
in TUÆ Sanctuario mentis, quam pro juve-  
nili conceperas fervore: idem semper, tam securus  
illiusmet custos, quàm strenuus ad omnem vitio-  
rum caliginem expugnandam. Adeo TIBI con-  
stans, adeo firmus, & idem in Superûm cultu spe-  
ctaris, ut etiam qui TE olim noverant, antiquæ pro-  
bitatis vel leviter conscii, primo adspectu ex ipsa  
pietatis TUÆ facie eundem TE nunc possint re-  
cognoscere, ac in mentem, antiquius repetere inte-  
gritatis exemplar. Et à quibus cognoscendus ad-  
huc (quanquam publica sit apud omnes TUARUM  
Virtutum Fama) desideraris, è vestigio præclaræ in  
DEUM benevolentiae TE Cœlo addictissimum u-  
niversi assequuntur. Liceat hic pro vero asserere:  
quod TE Gentilitiæ Cruces alterum figurent Do-  
mesticum pro Religione, Astris & Superis CON-  
STANTINUM. Pro Superis certare videris stre-  
nuè, quoties pientissimos de illis sermones instru-  
is, gravioresq; pro DEO sententias, aut benevola



aure, menteq; prona excipis, aut ipse, sanctissimè non minùs quam facundissimè TUÆ in Cœlites officiositatis depromis oracula. Super hæc tamen, arcana, quam in TE studiosè recondis, prominet effulgetq; pietas. Splendidiùs tunc videlicet, qui dives est, radiare conspicitur adamas: cum à meridiana luce veluti profugus in obscuro latet. Et radius solis ille, qui se in latebrolas montium cavernas abjicit, aurum, maximalq; opes terris educit. Astra demum, scintillare tantum nostros leviter videmus ad oculos: cum tamen majora credantur sideribus maximis, quæ tot ad fastum usq; lucis confertissimæ ardent facibûs; Numen ipsum deniq; maximum Cœlo suam includi voluit majestatem: ut tam facilè ad par sibi in terris accessisset pretium, quàm procul à solerti mortalium recessit obtutu. Et virtus sui Parentis sincera imitatrix est, quæ illum in hominum diligentissimè effingit animis, nusquam de fuco, & pomposa sanctitatis ostentatione sollicita. Ita effulgere TUAM quoq; parem Astris, Superis æmulam, officiosissimam in DEUM comitatem quis non adverterit? sagacissimè quidē illam sipario modestiæ tegere & profundæ cortinæ humilitatis obducere conaris; cum tamen illa tunc splendidiùs eluceat.

Fulgentem adeo licèt sub modestiæ nubibus in Superos benevolentiam, nonne ex communi omnium sensu, proclamem totam supernam, totam Divinam esse! Ita est! cœlestem illam, & Divinam; verùm humanissimā quoq; profusâ in Cœlites munificentiam effecisti. Placuit nimirum ultra plebe-

jam



jam cæterorum pietatem assurgere; quibus com-  
mune est mendicâ tantum Superos fatigare reve-  
rentiâ, & inopes profundere cultus, nec vota, nisi  
egestate splendida, Aris Beatorum appendere. In-  
fra DEUM, pariter ac TE ipsum genus istud pie-  
tatis esse censuisti, si non pro honore Numinis,  
pro Religionis TUÆ majestate, aureâ sublimiùs  
attolleretur beneficiâ. Distingvunt à rudi flu-  
minum vulgo gemmei Gangetem fluctus, aurei  
Pactolum vortices, ut licet communi undarum ri-  
tu in profundissimum mergantur alveum, supra  
humilem tamen aquarum sortem locuplete emi-  
neant splendore. Et illa, quæ Magnorum est, in  
Superos benevolentia tantundem super reliquos  
censetur evehi, quàm largiter in Cœlos profusa in  
altum sanctimonix enititur. Docta est ad cogi-  
tandum pro se pretiosa avaritia, magis erudita ad  
inveniendum Liberalitas; sapientior hæc tamen eva-  
dit, cum illi pulcherrimû à pietate ingeniû obtingit,  
ut arte meliori efformatum censeatur, quod tam  
inexhausta largitas, quam ipsa instruxit sanctimonia.  
Utraq; præclarè institutum facultate animum com-  
mendant illustriores jam TUO munere ædes sacræ,  
laudant Divorum altaria, probat cœlum; & præ-  
mia tandem ignarum quavis vinci beneficiâ, pa-  
rat Numen. Et certè statuisti optimè ita cum Su-  
peris certare, ut illi haud succumbant, & TU ad-  
huc triumphes. Jamq; Trophæa TUA è verò  
dixerim, illa omnia, quæ pro locupletanda Tem-  
plorum supellectili, seu pro sacræ augendo maje-  
statis decore, ac pro cultûs Divini Pompa veluti  
E pre-

*Ill? Capita  
neus muni-  
ficētissim9  
in DEUM  
& Caelites*



pretiosa TUÆ spolia munificentiae in Divorum  
Augustalia transtulisti. Pulchrū istud TUÆ gloriæ  
monumentum? cū splendide adeo ad propriam  
superis magnificentiam, non à fictitio Jovis delu-  
bro, verū à sanctiore Cœlitum vultu opulentissi-  
ma effulget profusio; atq; integra veluti munifico  
ardere videntur obryzo sanctuaria. Eximiis ad  
arrogantiam simulacris, Fanisq;, sed profanis, talem  
in DEOS Principum suorum pietatem rependebat  
superstitiosa antiquitas: TUA in verum Numen  
beneficentia sanctius citra fictæ Religionis fastum  
colitur, quia jam ab altaribus adoratur. Ita TE, in  
terris adhuc, familiarem quodammodo Cœlitibus,  
veluti quampiam cum illis sortitus communionem,  
præbere adniteris; postquam inquilinam sacrarum  
ædium TUAM voluisti pietatem. Provideant  
(seri nimis in æternaturæ studio gloriæ] impen-  
sissimis votis, ultima enixè decernant voluntate  
tristem sarcophagorum ad mensuram fastūs, pom-  
pam alii: è quibus non tam splendoris augem San-  
ctis Divorum penetralibus, quā minùs probā-  
dæ ambitionis spectaculum inferant; cum adhuc  
sæpenumero ut illi se visuros, sic posteros ultimum  
istud posituros monumentum pietatis, non sperare  
coguntur. Providentissimè TEcum sanctèq; fa-  
ctum est; vivus adhuc, jam in Templis habitas,  
quia aurea inibi fulgentissimus pietate viseris sem-  
per Beatorum Domesticus.

Processit adhuc longius, porrectiusq; sese pro-  
tendit, termini nescia, ignara limitum, TUÆ am-  
plitudo liberalitatis. Ut semel pretioso viscerum  
suo-



suorum partu gemmis intumuit Eridanus, ita ultrá  
 nescit modum, quin assiduus suas in tot Regna  
 profundat opes. Eandem in TE profusam gem-  
 mei ritu æquoris, spectare est affluentiam. Parum  
 TIBI erat Domesticos Cœlites, sanctiores Penates,  
 & hæreditarios ut ita dicam locupletare Superos;  
 Altius TUA sese porrexit pietas, ut æquè sublimis  
 ac amplissima censeretur potuisset. Essulgebat jam in  
 Manasterzecensi id est Tuo Sanctuario, pulcherri-  
 mē prominebat ab aris, parietibus, toto extolleba-  
 tur fastigio, & ex intimiori sacrorum emicabat re-  
 cessu: splendebat inquam, sed nondum altiori re-  
 dimita culmine. Ergo ad illam Regni totius Me-  
 tropolim, Lechicarum Principem Urbium, Regum  
 nostrorum Coronatricem Cracoviam provehi de-  
 buerat. Et sanē Regio se passu, quia cum sua eâq;  
 profusa majestate eo intulit Videre jam est per  
 Principes ipsius Basilicas, TUAS inibi radiare illu-  
 stri metallo Gazas! Videre est sacrorum quoq;  
 Arbitros Mystas TUA solenniùs ostentare Cœlitibus  
 munera, quoties Divinam litaturi victimam, vel ad  
 publicè Numen placandum, altaria subeunt: quasi,  
 ut Coronis Tergemina DOMUS Cruce Supremum  
 ibidem addere verticem, vestrum est; ita augustis  
 Templorum Solemniis TUA Coronam imponere  
 debuisset munificentia. Sed quid adhuc illa non  
 tacenda intermisi (quanquam TUA altum impe-  
 ret modestia silentium] TUA munera, quibus no-  
 stra quoq; Principibus Apostolorum Sacra Ædes  
 cumulata est. Verùm hinc TUIS aliquid conceden-  
 dū votis; parcemus ergo laudibus, sed gratias

*Munificen-  
 tia in Et-  
 clesiam  
 Manaste-  
 rzecensem*

*Liberali-  
 tas in Ba-  
 silicas Cra-  
 covienses  
 Ill: Capita-  
 nei.*



semper feremus immortales, unico votô: Superi  
TUA largissimè dona compleant; ut abundè TIBI  
sit, quod ipse habeas; amplissimè, quod cæteris par-  
tiaris; dives tibi, dives aliis: locuples semper & be-  
neficientissimus *Mecenas*.

Nondum tamen pro magnitudine animi hæc in-  
gens adeo visa TIBI est surrexisse munificentia- Si  
ingeniosa pro vanis, Religionis præstigijs ritibus  
Antiquitas, laudis summam colligere censebatur,  
quoties plures cogitaret, plures fanis induceret  
(sed sacrilegos censemus illos) Deos. TU ad Cœ-  
litem conformiùs sapientiam, solidæ id esse gloriæ  
credidisti: unius veriç; Numinis honores, cultum,  
pietatis officia, invenire, propagare, augere, novaç;  
novis cumulare. Igitur præter tot & tanta, aliud  
*Manaste-  
rzecense  
erigendum  
Ill: Capi-  
taneus pa-  
rat Tem-  
plum.* officiositatis in Cælos genus cogitasti: haud ita  
grande arbitratus illud, quod junctum aliis munus  
non tam auget inventa sæpenumerô quam crescit  
à reliquis. Pulchriùs illud cernitur eminere, quod  
à cæteris distingvitur. Istudç; est TUUM par Su-  
peris, TE dignum, *Manasterzecense* Sanctuarium,  
cujus TU jam in animo plantam posuisti, & è ve-  
stigio pulcherrimum opus prosequi sacerrima co-  
naris intentione. Erit, cùm non impar TUÆ libe-  
ralitati Basilicum assurget Numini Augustale, TUÆ  
Famæ juxtà ac pietati perenne Fastigium.

Tot emeritæ probitatis Gemmîs, tantis virtutum  
decoribûs fulgentissimus, festivam socialis lucem  
Fæderis; ad quod secundissimè procedis, accendi-  
diti ILLUSTRISIME CAPITANEE citra fabu-  
lam fortunatior *Promethæus*, Patriæ, Inclytæ DO-  
MUS



MUI, Russiæ toti, atq; huic etiam Urbi; ita felicis-  
simè, ut non modò Metropolitanus hic sua urba-  
nitate Leo applaudere, Roxolanæ Provinciæ com-  
munibus exsilire tripudiis, Celsissimus PILAVA jura-  
tæ annuere Fidei; sed votiva gratulari acclama-  
tione cunctorum ora audiantur. Universalis istius  
omnium lætitiæ testem in Vobis posuistis causam  
ILLUSTRISSIMI NEOSPONSI: quorum illa fide  
stetit, crevit Votîs. Quid enim VOS aliud præsti-  
tisse credatur, junctis mutuò ad fortunatissimum  
Hymenæum dextris! nisi quod Inclyta PROSA-  
PIA Felicitatis suæ acceperit fastigium & VOS cō-  
muni PILAVITARUM Gloriæ supremam impo-  
sueritis Coronam.

Pro certissimo ac unanimi omnium id sensu pa-  
lam & ubiq; circumferebatur ILLUSTRISSIMO  
POTOCCIORUM NOMINE Regnum impleri,  
& illud seu meritîs, seu Titulîs altè plenum esse.  
Quis enim surda adeò vocalissimam aure Famam  
excipiat? seu ad tantum cæcutiat jubar? nisi fortè  
livor æmulus abstulerit lumina. Ita POTOCCIOS  
audivimus, vidimus, de Patria, de Civibus mereri:  
ut non vanum honoris insigne Fasces in Lechico  
Senatu tulerint. Sic eos nimirum portârunt, feruntq;  
semper, ut florentissimos, tot victoriarum Laureis,  
effecisse videâtur. Ita deinde felices observavimus, ut  
inane militiæ vocabulum ducerent, si è martiali  
campo non sibi proprio vel hostili tinxissent mu-  
ricem sanguine. Præmiorum magnitudo haud rarò  
meritorum est mensura. Porro illis proprium id  
maximè est: quos non fastus, non ambitio, sed re-

*Celsissima*  
*POTOCCI*  
*ORUM*  
*Familia*  
*Domus*  
*Honorum*  
*& titulorū*



Et factorum ingens pondus, ad quævis honorum  
promovit culmina. Imò verò in ipsis adeò hono-  
ribus PILAUITÆ quandam suis præclarè gestis æ-  
mulam cernuntur excitasse invidiam, cum illos sibi  
veluti eripere majores videantur Tituli. Gaudent  
enim quodammodò Purpuræ etiam Principes, si  
illis imponantur lacertis, qui grandioribus quibuscq;  
sustinendis pares sint, ut sic ipsæ quoq; veluti attol-  
lantur. Gaudent inquam, si non tegendo sceleri,  
sed ornandæ virtuti famulantur. Gaudent, si illos  
mollius involvant humeros, quos Martialis grave  
pondus ferri attrivit; pectus quoq; alacriores te-  
gunt, Heroo purpuratum vulnere: quia & Coronæ  
pulchrius insident Galeato vertici. Pulcherrimo  
illi plures jam ætates imò secula dedit Polonia spe-  
ctaculo: cum palàm sit POTOCCIOS jam non a-  
liquos, sed singulos, sed pleno agmine ad scipiones,  
Clavas, Curules, ad sacra dignitatum Insignia invi-  
tari. Quasi mutuò certarent consensu Tituli, ut  
se ad Heroam PILAVITARUM arborem pro im-  
mortali Gloriæ Trophæo possint appendere; se-  
curi de sua & illorum perennitate. Quare exactâ  
jam ab aliis non minùs strenuè quàm eruditè Pro-  
vincia in recensendis exercitu pene integro PO-  
TOCCIIIS, Ducibus copiarum Supremis, Palatinis,  
Castellanis semper magnis, Mareschalcis & supremis  
rerum Arbitris; abstinendum mihi arbitror ab illo  
non minùs fastuoso munere, quàm gravi onere;  
cum veriùs censeam non angustam modò Panegy-  
rim, sed Tomos; non breve folium, sed integra  
volumina minimè sufficere, quibus. amplissimam  
hono-



honoribus & meritis claudas PROSAPIAM. Sæculorum istud opus est, non unius diei labor: quia tot sæcula Patriæ tantos portabant Heroes, perennaturæ relinquendos posteritati, ut intelligant universi: quantum Honor meritis, quantum Honori merita respondere debeant. Proinde non jam in applausum ILLUSTRISSIMI HYMENÆI tumultuarios Martis fragores lubet inducere, ubi amica personant certantq; Fædera. Nec murices, quantumvis purpureos, hostili tamē squalidos cruore placet evolvere, cum jam nunc ipse festivam Connubii pompam instruat socialis amoris candor. Atq; hic illud summum videre jam est, quod majores haud observârunt, nunquam satis mirabuntur posteri.

Isto nimirum ILLUSTRISSIMI NEOSPONSI, tripudio, CELSISSIMAM DOMUM, isto completistis decore, quod solūm desiderabatur: postquā idem Nomini vocabulum, eadem Avitis Insignibus Arma, arborem POTOCCIAM PILAVÆ, nuptiali junxistis vinculo. Quam pulcherrimè ita certatur: ut signa signis, Cruces opponantur Crucibus, & simul in commune Gloriæ, Honoris, Famæ, attollantur Trophæum. Jam inter tot POTOCCIORUM Gradivo erectas Lauros, triumphales fæderato Amori ponuntur arcus. Inter tot belli Clastica & præliares lituos tota CELSISSIMA DOMO personantes, Cordium animorumq; canitur, ac celebratur victoria. Probatis abundè florentissimam VESTRAM Arborem non longissimis annorum spatiis, non temporum vicissitudinibus decrescere aut immutari: Imò verò ad plurima Crucibus com-



poni sæcula. Tanto fædere grande JOSEPHUS Incrementum, ver PELAGIA fecundissimum addit PILAVÆ; ut intelligant universi Patritiam ARBOREM non laurearum modò, & Fascium feracissimam esse; sed aptam quæ amicitia quoq; perennis, amorisq; socialis Regiam componat, extruat; & ad omnium admirationem attollat. O! quantam plurimi honoris sui labem reputant, quoties domestica prosperitatis copiam aliunde supplere coguntur & adoptatâ, propriam cumulare fortunam. Quâ miserè doluit in cæteris felix optimus Romanorum Imperator Nerva Coccejus, quod in tanta fortunæ auge inops socii fuerit, quem è DOMUS suæ visceribus & socium in regâdo haberet & successorem reliqueret imperio. Quanto dolore gemit Regum Princeps Hiarbas, quòd totam percurrere Africam debuerit pro peregrinæ Didonis reportando fædere. Magno demum Gallis constitit, cum ad Iberiam usq; dextras extenderent, pro adoptando sociali decore suo Principi. Vos illam communem mortalium sortem fortunatissimè superastis, quia non quæsito alienorum honore Nominū, VOBIS Ipsi mutuū uterq; pretium & decus, Nomen & Honos estis.

Plaudite jam Agnata Nomina! pulcherrimis ILLUSTRISSIMORUM NEOSPONSORUM votis annuite! Servassent utinam istis adhuc fata temporibus: seu ILLUSTRISSIMUM ALEXANDRUM Palatinum Smolensciæ ILLUSTRISSIMI progenitorem CAPITANEI: seu magnum illius Patrum, Maximum Poloniae Catonem ILLUSTRISSIMUM  
STE-



STEPHANUM MARESCHALCUM Curiae Re-  
gni! quantum illi publica suis adornâssent solatiis tri-  
pudia! Quantum applausissent. At nunc quoq;  
supernum à superis inclinant annutum. Jam CEL-  
SISSIMUS Lechiaë VICE-REX, Poloniaë PRIMAS,  
Antistitum Princeps, Decus, & Culmen, ARCHI-  
PRÆSUL Gnesnensis, Legatus Natus, Illustrissimi  
Capitanei supremus Patruus, seu Præfulea seu Avita  
Tergemina Cruce Ter summam Illustrissimorum  
Neosponsorum votis impertitur benedictionem.  
Secundum, id est fortunatissimum, pro Paterni, ma-  
gnitudine pectoris summum, adde Votum ILLU-  
STRISSE EXCELLENTISSE DOMINE  
CAPITANEE GRABOVECENSIS lectissimæ  
MAGNE GENITOR FILIÆ. Tuis enim illa pul-  
cherrimè respondit votis! Pro candore Suo inno-  
centior Vesta, quanto virtutum ardebat studiô,  
tantum & Purpureo verecundiæ murice, & lau-  
dandæ nitore modestiæ, & compositâ in Supe-  
ros Pietate pro Principe virtutis eluxit Idea. Ta-  
lem reperis MAGNE PARENS, talem, & tantam  
TUO NOMINI relinquis Filiam & unâ fortunatissi-  
mam aliquando magnorum Nepotum Matrem.  
Adde præterea pro Paterni affectus amplitudine,  
pro TUÆ & Connubialis Pompæ Gloria, Palatina  
ILLUSTRISIMORUM Kiioviensis, Exercitu-  
umq; Regni Magni Ducis; Illustrissimi Palatini  
Volhyniæ vota, qui primis non minùs Trabeis  
quàm gloriosis in Patriam meritis, Festivæ diei lu-  
cem augent. Quidni applaudat toto pectore IL-  
LUSTRISSIMA EXCELLENTISIMA D. Palati-



na Smolenscensis Neosponsorum fœderatis tripudi-  
is? Quæ domesticâ TARLONUM Ascîâ ut sem-  
per ad ædificationem POTOCCIANÆ fuerat Ar-  
bori, ita optimam Fortunæ plantam Magnorum po-  
suit successibus Natorum.

ILLUSTRISSIMA EXCELLENTISSIMA D.  
de POTOCCIIS TARLONUM decus, Palatina  
Lublinensis, quanto TUÆ ipsius solatiô, annuis,  
laudas, attollis socialem Triumphum, quem ipsa-  
met TUÆ laudi, POTOCCIORUM Gloriæ, IL-  
LUSTRISSIMORUM NEOSPONSORUM For-  
tunæ erexisti. Quæ illa in TE probitatis & munifi-  
centiæ conjunctio! Quam jam Crasnostaviensis Ba-  
silicæ ipsa TUÆ pietatis conscia attollunt marmo-  
ra; jam palam & publicè circumferunt & prædicant  
universi. Quia Tuo studiô, Tuo magis adhuc e-  
xemplô, fortunatissimam instruxisti Sponsam; ut  
TIBI tribuat ILLUSTRISSIMUS CAPITANEUS  
Sczerzecensis, quòd tantam TUO munere Confor-  
tem accipiat. Non deest festivis auspiciatissimi  
Connubii solatiis ILLUSTRISSIMUS PALATI-  
NUS Belzensis, etiam dū abest longiùs: utpote qui  
totam præclarè gestis implevit Lechiam. Fraternæ  
semper proximus fortunæ, & tam facilè illi publi-  
cam felicissimi Conjugii diem emeritis augere Ho-  
noribûs, ut germano implere candore. Accedis  
isti proxima, Virtutibûs Maxima ILLUSTRISSI-  
MA CAPITANEA Wickszanensis, Illustrium re-  
ctefactorum Princeps Idea, viva probitatis effigies,  
lucemq; omnibus desideratam TUÆ scilicet pieta-  
tis, quâ integram Celsissimam DOMUM illustrâsti,

germa-



germanis quoq̃, faustissimi Connubii Tædis affun-  
dis uberrimè. Vixisses revolutis antè temporibûs, in  
meliorum sanè præconiornm venisses partes, cum  
paribus virtute, Paula, Martia, Valeria, ab eloquen-  
tissimo juxta ac facerrimo Oratore Hieronymo pul-  
cherrimè collaudatis. Imò verò Integræ TIBI ces-  
sissent Panegyres sanctiore illustres facundia. Exci-  
tasses Tubam illam in TUARUM encomia virtutū  
& vocaliorem fecisses; Doctorem Calamum ex meri-  
to pro Oratore naçta, sublimiùs evolâsles in Cœlos,  
ubi fixo semper hæres animô. Sed totum id per-  
miseris optâsse tantum ideo; quia nec stylum ita  
sublimem TUÆ virtuti adscribendæ, nec parem in-  
venio celebrandæ Tullium. Quanquam de laudi-  
bus pro TUA moderatione minimè sollicitæ, elo-  
quentissimos jam Tibi laudatores, sanctior TUA  
comparavit munificentia, Cœlites nimirum Beatos,  
ipsosq̃; Superos. Quidquid enim in illorum sanctua-  
riis pretiosius elucet, totum id TUA sollicitudine,  
seu munere acceperunt. TUÆ tamen hîc morem  
geram modestiæ, jamq̃; tantæ amplitudinē Libera-  
litis tacitus finiam, cum nihil adhuc dixerim. Gra-  
tulari tantum liceat ætati nostræ, quod illi TE ser-  
vârunt Superi: ut continentiæ exemplar, Integritatis  
Prototypon, verecundiæ Idea, omnium deniq̃; vir-  
tutum norma, longissima prosperitate ad nostra o-  
mnium vota eluceas. Tripudiante adhuc Fæderi  
auspicatissimo subscribite assensu, Illustrissimi, CA-  
STELLANE Braclaviensis & Smolenscensis Palati-  
tine, Vestris ornate Triumphos Fascibûs, insigni cu-  
mulate gloria, Heroes Purpurati. Manum quoq̃; plau-



sibus appone ILLUSTRISIME FRANCISCE POTOCKI Incisor Regni. Vos demum Maxima PILAVITARUM decora, Illustrissimi Leopoliensis, Crasnostavienſis, Trembovelenſis, Kaniovienſis, Tlumacensis Luchovienſis, Kolomyenſis, Capitanci, toto agmine inſtruite tripudia, ad communis lætitiæ augem, veſtriq; honoris cūlmen.

Lucem deinde nuptiali Pompæ addite, quæ Illustriſſimum affudiſtis ſanguinem POTOCCIIſ, Conſangvineæ ſeu affines Proſapiæ. Auguſtiſſimum inprimis Jubar accendite in JOANNE III. Sereniſſimi Sobieſcii: Principem CELSIſſimi VISNIOVIECCII, RADZIVILII, CZARTORYSCII, augete fulgorem. ILLUSTRISſIMUM properate diem Purpureo ſplendiſſimi Murice TARLONES, PODBERESCII, KONTSCII, MORSZTYNII, OGINSII, OPALINSCII, RZEWUSCII, OSOLINSCII; MOSZYNSCII, quibus altioreſſimam Fortunam, & Titulos domeſtica ex merito obligavit Fascia DANIELOWICCII, DENHOFFII, KOSAKOWII, SAPIEHÆ, STADNICCII, CHODOROWII, LASZCCII WIELOHORSCII, & Sexcēta, quæ prima Poloni cenſemus Nomina, connubialem attollite Honorem; ut par ſibi, par Veſtris, ſeu favoribus ſeu cumulatis aſſurgat votis. Fauſtiſſima tandem univerſorum omina faventiſſimi comprobenſ Superi, firment æternis pactis Fædus, Avitis Crucibus plurimas ætates muniant, Vobis longiſſimas ſeras poſteris. Impleant annos Filii Parentum, Avorum Nepotes, iſti Patriam meritis, hæc illorum merita Faſcibus. Hoc omē devinctiſſima veſtro Nomini Societas JESU, illud votum pro gemmis Veſtræ inferit Coronæ.


















5100019765

Biblioteka Jagiellońska



